

Oqaluuserisassanut nassuiaat.

(Inatsisartut Siulittaasuat)

Oqaluuserisassani immikkoortup 60-ip UKA2023-mut kinguartinneqarnissaanik Eqqissimatitsinermut Avatangiisinullu Ataatsimiititaliaq qinnuteqarpoq. Immikkoortup 60-ip qulequtaraa: Paris-imi isumaqatigiissummut Kalaallit Nunaata nunamut nangaassuteqarnera atorunnaarsinneqassasoq aammalu Naalagaaffiit Peqatigiit Silap pissusia pillugu nunani tamalaani isumaqatigiissutaannut, UNFCCC-imut, nalunaarutigineqassasoq, danskit naalakkersuisuinit nalunaarutigeqqullugu Naalakkersuisut peqquneqarnissaat pillugu Inatsisartut aalajangiiffigisassaattut siunnersuut.

Oqaluuserisassani immikkoortoq 57-ip aappassaaneerneqarnissaa UKA2023-mit maajip ulluisa 31-annut siuartinneqarnissaanik Nunanut Allanut Sillimaniarnermullu

Ataatsimiititaliaq qinnuteqarpoq:

Immikkoortup 57-ip qulequtaraa: Kunngearfiup Danmarkip Naalakkersuisut peqatigalugit Canadap naalakkersuisuinit ulloq 14. juni 2022-imi Kalaallit Nunaata Canadallu akornanni imaani killeqarfimmik nunamilu killeqarfimmik Kalaallit Nunaata isumaqatigiissuteqarnerata atuutsilersinnissaa pillugu Inatsisartut aalajangiiffigisassaattut siunnersuut.

Oqaluuserisassani immikkoortup 62-ip aappassaaneerneqarnissaa UKA2023-mut kinguartinneqarpoq:

Immikkoortup 62-ip qulequtaraa: Innuttaasunut, aalisartut, piniartut savaatillillu inuussutissarsiorlutik ingerlatsinermi silap allanngoriartorneranut attuumassutilimmik ajunaarnersuarmut assingusumik eqqugaasut aningaasatigut ikiorserneqarnissaat siunertaralugu Naalakkersuisut Aningaasanut Inatsimmi kontumik nutaamik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Kontomik pilersitsinerup peqatigisaanik kattuffiit attuumassuteqartut suliamut akuliutsinnerisigut ikiorsiisarnermik aaqqissuussinermut periusissanik aalajangersaanissamik Naalakkersuisut suliaqassapput, tamanna kontumi pingaarnermi oqaasertaliinikkut imaluunniit namminerisamik inatsisissatut siunnersuuteqarnikkut pissaaq.

Aqagu maajip ulluisa 31-anni oqaluuserisassani immikkoortoq 9: Ombudsmandimik qinersineq oqaluuserineqassaaq. Ullumikkut Ombudsmanderisarput Vera Leth juulip naanerani soraarningussaaq. Ombudsmandi nutaaq aggustip ulluisa aallaqqaataanniit atuutilissaaq. Tamanna tunngavigalugu Inatsisartut Ataatsimiititaliaq Inatsisartut Ombudsmandissaannik inassuteqassaaq.

Oqaluuserisassani immikkoortup 125-p aappassaaneernejarnissaa Ilaqutariinnermut Peqqissutsimullu Ataatsimiititaliap qinnuteqarneratigut UKA2023-mut kinguartinneqarpoq. Immikkoortup 125-ip qulequtaraa: Naalakkersuisut nuna tamakkerlugu puigortunngortunik ataqatigiissaarisussamik pilersitsinissaannut suliniummik misissuinissaanik peqquneqarnissaannik Inatsisartut aalajangigaassaattut siunnersuut. Misissuinerup inerneru UPA2024-mi saqqummiunneqassaaq.

Oqaluuserisassani immikkoortut 102 aamma 145-ip aappassaaneernejarnissaasa kinguartinneqarnissaat qinnutigineqarpoq UKA2023-mut.

Immikkoortup pineqartut qulequtaraat:

Immikkoortoq 102: Innuttaasut feeriarnermusiassaasa Sulinngiffeqarnermut Inatsit naapertorlugu sulisut sulinngiffeqarneranut takussutissiisumik attaveqarfissanut paasisutissat naammattut pigineqarnerinik qulakkeerinninnissamut periusiliortoqarnissaanik Naalakkersuisut suliaqaqqullugit peqquneqarnissaanik Inatsisartut aalajangiiffigisassaattut siunnersuut, aamma

Immikkoortoq 145: Narsami aammalu Kullorsuarmi ilaqutariinnut siunnersortit ukiut marluk suligasuartussanik Naalakkersuisut aallarnisaanissaamut peqquneqarnissaanik Inatsisartunut aalajangiiffigisassatut siunnersuut. Suligasuarsimanerit naammassippata naliliiffigineqassapput, nunatta sinneranut siammarneqarsinnaanersoq nalilersornissaanut siunertaralugu.

Oqaluuserisassani immikkoortoq 61 UKA23-mut kinguartinneqarpoq.

Immikkoortup 61-ip qulequtaraa: Kalaallit Nunaannut suliffissarsiortarnej pillugu Inatsisartut inatsisaata allanngortinneqarnera pillugu Inatsisartut inatsisaattut siunnersuummik saqqummiussinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Inatsisissatut siunnersuut nunatsinnut nuuttut kalaallit kulturiannik, oqaasiinik naleqartitaannillu ilinniarnissamut piumasaqaatitalimmik periarfissinneqarnissaannik aalajangersaassaaq. Inatsisissatut siunnersuut kingusinnerpaamik UKA2024-mi Inatsisartunut saqqummiunneqassaaq. Inatsisissamik piareersaasiorluni suliaqarnerup peqatigisaanik, Kalaallit Nunaanni inuiaqatigiinnut akuusitsilersitsinissamik inatsimmik atulersitsinissaq pillugu Naalagaaffeqatigiinni oqartussaasunut Naalakkersuisut saaffiginnissuteqassapput.

Taasisarnerit pillugit uku akornanni isumaqatigiissuteqartoqarpoq:

Bjørk L. Kristensen, Demokraatit aamma Eqaluk Høegh, Inuit Ataqtigiiit

Kim Kielsen, Siumut aamma Siverth K. Heilmann, Atassut